

gojgaeq ndawbiengz

# Bohhoj Suenq Yahdaiq

## 卜伙算计丈母娘

□Luz Yuzganh soucomz/陆如刚 收集

Ngaiz vunzlai rox gienh saeh neix le, songde roxnyinh saetnaj dangqmaz, hixnaengz lien laeuj ngoenzlaeng hix mbouj nyienh gwn, dangq boux byongh hwnz gwih max ma ranz.

Youh miz baez he, Bohhoj heuh mehyah ma ranzdaiq ciq duz vaizdaeg daeuj gunjreih, gunj sat le Bohhoj yien vaiz bae laj raemh ndoj ndit, de au goenj cagvaiz cug haeuj mehdin bae couh ansim laepda yietbaeg, lij nanz mbouj nanz beng mbat he ne! Mbouj rox mbouj nyinh ngaiz ninzndaek gvaqbae lo.

Daengngoenz doek ndoi, wngq-dang baenz yien vaiz ma ranz guhcaez lo, de baez singj sikhaek ngaiz hwk dwk conh hanh nit: Meh ha! Duzvaiz ngaiz vunz caeg bae lo! Laxlawz bouxcaeg mbouj rox mwhlawz dawz cagvaiz lamh haeuj gofaex bae, yaeuh de cungj nyinhnaeuz duzvaiz lij youq henz ndang ne! Vaizdaeg ngaiz vunz caeg bae au yienghmaz daeuj boizdauq ne? Neix mbouj dwg au diuzmingh de ha! De lumj duz gaeq ngomq nei youq de fat you.

Bohhoj naemj bae naemj dauq, raen dangqnaj miz aen mbaengq-faexcuk he, doeklaeng naemj ok aen banhfap ndei he.....

Mehyah Bohhoj raen de hoeng fwngz ma ranz, goj de cib cingz ngaiz coem duzvaiz lo, hai bak couh ndaq de dwg vunzcuij.

Bohhoj dauqfanj angqvauvau doiq mehyah naeuz: “Yah ha yah,

mwngz ndaq loek lo! Hix suenq gou mingh ndei ha! Gangj liux buenq ngoenz bouxde cix nyienh au aen mbaengqfaexcuk dijbauj neix vuenh duz vaizdaeg ha! Bouxwnq nyienh au song duzvaiz bae vuenh aenmbaengq neix hix mbouj ndaej ne!”

Gangj sat, siujsim dawz aen mbaengqfaexcuk loh dangqnaj meh-yah, youhcai q saenzmaet siuj sing naeuz: “Gaej yawjsiuj aen mbaengq neix, de dwg yiengh hongdawz damqbauj he ha! Lajnamh dieglawz moek gimngaenz cungj ngaiz de damq ok caez! Mbaetneix raeuz fatcaiz lo!”

Mehyah bonjlaiz couh dwg vunzhuk, vunz naeuz yienghmaz de cungj saenq, Bohhoj geij coenz vah neix hawj de sim’ angq raixcaix, haemhde de gietdingh dawz gienh saehndei neix bauq hawj Daxmeh nyi.

Mehyah yamqnduj ok dou, Bohhoj couh yamqlaeng bae riengz. Bohhoj rox mehlwg de dwg ninz caemh rug, couh laeglemx ndoj haeuj laj mbonq yahdaiq bae caeg dingq.

Mehyah naeuz: “Lwgcuij neix au daegvaiz vuenh ndaej aen mbaengq damqbauj he, baezlaeng gi gimngaenz raeuz au diem ndei cix ndaej bw!”

Yahdaiq damzdingz han naeuz: “Gij gimngaenz raeuz miz di moek youq laj gangraemx, miz di moek youq baksaeuq, miz di moek lajcanz baihgrog, gizgiz diem ndaej maenh caez, gou mbouj saenq de damq ndaej ok ne! Gou goj de dwg yaeuh raeuz

aeu duzvaiz bae gai ha! Danghnaeuz dwg yienghneix gou couh sousib diuz minghma de cix ndaej!” Gij vah neix ngaiz Bohhoj youq laj mbonq dingq ndaej cingcing cujcu. De youh lau youh angq, byonghhwnz youh laeglemx ndonj dauq ranz ninz.

Haetlaeng, Meh yah ma ranz raen Bohhoj lij ninz laj moeg, doiq de naeuz: “Mwngz dawz aen mbaengq bae ranz gou sawq damq mbaet he, danghnaeuz dwg yaeuh vunz, ndaek gyauej mwngz couh goenq hawj gou!”

Bohhoj angq dwk han naeuz: “Mbouj saenq couh sawqsawq mbat he!”

De baez daengz ranzdaiq, couh daihsing doiq yahdaiq hemq naeuz: “Gwizhoj daeuj damq bauj lo!”

“Aen mbaengq neix hawj gou daeuj coux nyouh lij yiemz caz! Mwngz damq ndaej geijlai couh gvi sat mwngz ba! Danghnaeuz dwg yaeuh vunz, gou beng gi naeng mwngz!” Yahdaiq naeuz.

“Gangj vah suenqsoq! Mbouj ndaej ienhoij bw!” Bohhoj gangj sat couh dawz aen mbaengq okdaeuj youq ndaw ranz rog ranz byaij geij hop, doeklaeng de dingz youq baksaeuq vix naeuz: “Gizneix miz bauj!” Youh byaij daengz henz gangraemx vix naeuz: “Laj gangraemx hix miz bauj!”

Yahdaiq sikhaek ngaiz hwk dwk naj bienq saek liux, ganjgip naeuz dwk: “Mbouj damq lo! Mbouj damq lo! Song yiengh neix cungj soengq hawj mwngz!”

Bohhoj hix roxnyinh siedleix, doiq yahdaiq naeuz: “Song faenh bauj neix gou au faenh he ndaej lo!”

Gangj sat youq baksaeuq vat ndaej boemh gimngaenz he angq-vauvau ma ranz lo. (sat)



Ranzmbanj Gyaendei

### 19、Gvansim Gensez Soujfuj

Cungguek moq laebbaenz le, dangjcunghyangh caeuq Mauz cajsiz daj bangcoh Yeznanz lwgminz hoenxdingj Fazgoz daeuj ciemq caeuq dubmaenh rehenz baihnanz guekcoj gi canloz bae naemj, cix dingh aen swngjvei Guengjsae youq Namzningz.

Namzningz dwg aensingz mizmingz lizsij baihnanz guekcoj ndeu, dwg aendieg youqgaenj congghoz diegbien, Cunghvaz Minzgoz laebbaenz daengz bi 1936 cungj dwg swngjvei Guengjsae.

Veiz Gozcingh youq Guengjsae cawjguenj duenhneix, mboujdanh caendang ca hong loegvaq Namzningz, caemhcai q gig gvansim gensez aensingz neix.

Bi 1958 laebbaenz Gvangjsih Bouxcuengh Swcigih le, Veiz Gozcingh gig gamjdaengz gensez swcigih

soujfuj noix gviveh, mbangj gihgvanh, giyez seizbient hah dieg daeuj hwnj ranz, baijbouh luenhcabcab. De naeuz: “Aensingz mbouj cungjdaej gviveh, gvaqlaeng cix mazfanz lailai.” Ginggvaq caeuq Liuz Genyinh, Vuj Cinnanz, Ho Hihmingz, Cinz Yinggih doxyaeng le, gietdingh laebbaenz aen Namzningz Si Cwngzsi Gviveh Lingjdauj Siujcu ndeu, youz Swcigih Giveij cujyin Lij Yinhdanh guh cujcuang, Namzningz Siveij suhgi Cinz Lanz, fusicangj Yenj Hungzconh song

boux guh fucujcangj.

Vihliux bang Namzningz Si guh ndei gviveh, de daegeiq iucingj Guekgya Gengunghbu Cwngzsi Gveihvagiz baij conghyah daeuj gidij sonyinx.

Gij gviveh cungjdaej gensez Namzningz Si ndaej Swcigih Cwngfuj baecinj le, Veiz Gozcingh lai baez giengzdiuh, giyneix dwg gi baengzcingq gensez caeuq guenjleix Namzningz Si haenx, bouxlauz cungj mbouj ndaej seizbient gaijdoengh de.

De gingciengz cingj gi goeng-daeuz Namzningz Si caeuq giveij, ginghvej, caizcwngdingh, gyauhdungdingh, linzyezdingh ndaw gih haenx daeuj, ngeixyaeng gi hong sicwng gensez Namzningz. Gensez Baihnanz Dah Gunghyezzgih, Bwzhuz Gunghyezzgih, Dieghenz Baihsae Gunghyezzgih caeuq gi hanghmoeg cungdenj daengx si haenx, baijbouh gak cungj roen caeuq vwnzva sezsih, de cungj ok gvaq rengz laux.

(caengz sat)

## Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangisii Cioz Siengzcoub Liuz Gingliuj Cioz Siengzzen hoiz